



REPUBLIKA E KOSOVËS/REPUBLIKA KOSOVA

GJYKATA THEMELORE PRISHTINE - DEGA E GJYKATËS LIPJAN

Numri i lëndës: 2022:085166

Datë: 06.08.2024

Numri i dokumentit: 06022663

C.nr.391/2022

GJYKATA THEMELORE NË PRISHTINË – DEGA NË LIPJAN, Departamenti i Përgjithshëm – Divizioni Civil, në përbërje prej gjyqtarit Zenel Tasholli, gjyqtar individual, në çështjen juridike kontestimore të paditëseve A.. O., H.. O., E..Q..dhe H.. O.. që të gjithë nga L..., të cilët me autorizim i përfaqëson av. M.. G.. me seli në L..., kundër të paditurës Komuna e Lipjanit-Drejtoria Komunale e Arsimit, me seli në Lipjan, me objekt kontesti kompensim i të ardhurave në bazë të inflacionit, jashtë seance gjyqësore, me dt.06.08.2024, merr këtë:

A K T G J Y K I M
PA SHQYRTIM KRYESOR TË ÇËSHTJES

I. APROVOHET në tërësi kërkesëpadia e paditësve A.. O..H.. O., E..Q..dhe H.. O..që të gjithë nga L..., si e bazuar, dhe **DETYROHET** e paditura Komuna e Lipjanit-DKA, që paditësve të më poshtë shënuar t'ua paguajë dhe atë:

1. Paditëses A.. O..nga L..., në emër të kompensimit për inflacion shumë: Për vitin 2019 (Prill-Dhjetor) shumë prej 102.30€, për vitin 2020 (Janar-Dhjetor), shumë prej 10.10€, për vitin 2021 (Janar-Dhjetor) shumë prej 171.76€, për vitin 2022 (Janar-Nëntor) shumë prej 537.19€, e në shumë të tërësishme prej **821.37-€**, me kamatë prej 8% nga dita e paraqitjes së padisë dt.27.04.2022, e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarimit të detyrueshëm.

2. Paditësit H.. O..nga L..., në emër të kompensimit për inflacion shumë: Për vitin 2019 (Prill-Dhjetor) shumë prej 102.30€, për vitin 2020 (Janar-Dhjetor), shumë prej 10.10€, për vitin 2021 (Janar-Dhjetor) shumë prej 171.76€, për vitin 2022 (Janar-Nëntor) shumë prej 537.19€, e në shumë të tërësishme prej **821.37-€**, me kamatë prej 8% nga dita e paraqitjes së padisë dt.27.04.2022, e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarimit të detyrueshëm.

3. Paditësit E..Q..nga L..., në emër të kompensimit për inflacion shumë: Për vitin 2019 (Prill-Dhjetor) shumë prej 58.72€, për vitin 2020 (Janar-Dhjetor), shumë prej 5.80€, për vitin 2021 (Janar-Dhjetor) shumë prej 98.60€, për vitin 2022 (Janar-Nëntor) shumë prej 308.38€, e në shumë të tërësishme prej **471.52-€**, me kamatë prej 8% nga dita e paraqitjes së padisë dt.27.04.2022, e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarimit të detyrueshëm.

4. Paditëses H.. O..nga L... në emër të kompensimit për inflacion shumë: Për vitin 2019 (Prill-Dhjetor) shumë prej 102.30€, për vitin 2020 (Janar-Dhjetor), shumë prej 10.10€, për

vitin 2021 (Janar-Dhjetor) shumën prej 171.76€, për vitin 2022 (Janar-Nëntor) shumën prej 537.19€, e në shumën e tërësishme prej **821.37-€**, me kamatë prej 8% nga dita e paraqitjes së padisë dt.27.04.2022, e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarimit të detyrueshëm.

II. DETYROHET e paditura që paditësit t’ia kompensojë shpenzimet e procedurës kontestimore në shumën prej 560.00-€, në afat prej 7 ditësh nga plotfuqishmëria e këtij vendimi, nën kërcënimin e përmbarimit të detyrueshëm.

A r s y e t i m

Paditësit, përmes të autorizuarit të tyre, në këtë gjykatë kanë parashtruar padi ndaj të paditurës Komuna e Lipjanit – Drejtoria e Arsimit, sipas bazës juridike kompensim për inflacion, sipas padisë paditëset janë mësimdhënëse në Sh.F.M.U. “K.. D..” në fsh.K.. dhe të njëjtët i plotësojnë kushtet e përfitimit të përqindjes së inflacionit në pagën bazë, sipas kushteve të parapara më Kontratën Kolektive të Arsimit në Kosovë.

E autorizuara e paditëseve përmes parashtrësës së datës 27.11.2023 ka bërë precizimin e padisë duke kërkuar nga gjykata që të obligoj të paditurën që t’ia kompensoj në emër të shteses në pagë sipas shkallës së inflacionit, si në dispozitiv të këtij aktgjykimi.

Gjykata pas shqyrtimit paraprak të padisë së paditëses e ka njoftuar të paditurën me aktvendim mbi dhënien e përgjigjes në padi. E paditura përmes përgjigjes së saj në padi të parashtruar me datë 19.01.2024, e ka kundërshtuar bazën juridike të kërkesëpadisë dhe se sipas nenit 90 pika 5 të Ligjit 03/L-212 të Punës, ku thuhet se marrëveshja kolektive vlen për ata punëdhënës dhe punëmarrës të cilët marrin përsipër detyrimet e përcaktuara me marrëveshje të tilla kolektive e që në rastin konkret e paditura Komuna e Lipjanit si punëdhënëse e paditëses nuk është nënshkruese e kësaj marrëveshje-kontratës kolektive në të cilën është thirrur pala paditëse. Poashtu nëse merret parasysh Kontrata Kolektive në nenin 46 par.2 shprehimisht thotë se pagesa e tillë si për kompensimin e ushqimit bëhet brenda mundësive institucionale, ligjore dhe financiare, e që konsideron se nuk janë plotësuar këto kushte, sepse të paditues nuk i janë ndarë mjete financiare nga institucionet nënshkruese të Kontratës Kolektive. Poashtu sa i përket inflacionit është kompetencë e nivelit qendror e poashtu pika 10 e nenit 35 të Kontratës Kolektive nuk e qartëson se nga kush bëhet përcjellja dhe kush e bënë kompensimin për inflacion. I ka propozuar gjykatës që konform dispozitave ligjore të LPK-së nenit 399 par.1 dhe 2 padinë e paditëseve ta refuzon si të pabazuar-e pathemeltë.

Gjykata, pas pranimit të përgjigjes në padi, i ka vlerësuar kushtet ligjore nga neni 152 i Ligjit për Procedurën Kontestimore (LPK), me të cilin përcaktohet se: *“po që se i padituri me anë të përgjigjes në padi i ka pohuar faktet vendimtare, përkundrejt kontestimit të kërkesëpadisë, gjykata mundet pa caktuar seance gjyqësore, të jep aktgjykim”*, lidhur me nenet 143 dhe 147 të të njëjtit ligj, nëse nuk ekzistojnë pengesa të tjera për dhënien e tij, dhe ka gjetur se në këtë çështje juridike kontestuese plotësohen kushtet ligjore për marrjen e aktgjykimit pa shqyrtim kryesor.

Gjykata gjen se në rastin në fjalë zbatohen dispozitat e Kontratës Kolektive e Arsimit në Kosovë (më tej KKAK) të miratuar dhe të nënshkruar nga Ministria e Arsimit, Shkencës dhe Teknologjisë së Kosovës, Sindikata e Bashkuar e Arsimit, Shkencës dhe Kulturës e Republikës së Kosovës, me dt. 17.04.2017 dhe Kontratës në vazhdimësi të dt. 22.01.2021.

Me qëllim të vërtetimit të drejtë dhe të plotë të gjendjes faktike lidhur me çështjen konkrete juridike, gjykata i shqyrtoi këto prova dhe atë: kontrata e punës nr.04-112-813/.. dt.01.09. 2015 për paditesen A..O..., kontrata e punës nr. 4-112-813/..., dt.01.09.2012, për paditësin H.. O., kontrata e punës nr. 04-112-813... dt.01.09.2016 për paditësin E...Q., dhe kontrata e punës nr. 04-112-813/...dt.01.09.2021 për paditesen H..O..., si dhe lista e pagave për paditësit.

Gjykata me rastin e aprovimit të kërkesëpadisë është bazuar në faktin se me Kontratat Kolektive të nënshkruara nga Qeveria e Kosovës-Ministria e Arsimit Shkencës dhe Teknologjisë, për punëmarrësin Bashkimin i Sindikatave të Pavarura të Kosovës e cila është nënshkruar nga ana e dy palëve dhe në nenin 49 respektivisht me nenin 48 të këtyre kontratave është përcaktuar se këto kontrata hynë në fuqi me ditën e nënshkrimit nga palët nënshkruese.

Në pjesën hyrëse respektivisht në nenin 1 të kontratës kolektive është e përcaktuar qartë se kush përfiton nga kontrata kolektive e që në rastin konkret paditësi e ka shfrytëzuar një të drejtë pasi që i njëjti përfiton nga kjo kontratë për faktin se me Kontratën Kolektive të datës 18.04.2017 respektivisht atë të datës 22.01.2021, në nenin 35.10 thuhet “*Për çdo vit përcillet shkalla e inflacionit sipas Entit të Statistikave të Republikës së Kosovës dhe përqindja (%) e inflacionit të futet në pagë*”, ku gjykata bazuar në listën e pagës nuk rezulton se shkalla e inflacionit është futur në pagë, andaj gjykata sa i përket aprovimit të lartësisë kërkesëpadisë në lidhje me shkallën e inflacionit e ka bazuar në të dhëna zyrtare të Entit të Statistikave të Republikës së Kosovës përmes web faqes zyrtare (të bashkangjitura nga e autorizuar e paditëses).

Lidhur me lartësinë e kompensimit sa i përket inflacionit, gjykata ka vendosur duke u bazuar në parashtrësën për precizimin e padisë të autorizuarit të dt.23.11.2023, pasi që të njëjtat janë dhënë, e në veçanti duke marr parasysh pagën që paditëset kanë realizuar. Për më tepër kalkulimi i këtyre shumave është bazuar në të dhënat e Agjencisë së Statistikave të Kosovës, ashtu siç përcaktohet edhe në nenin 35 paragrafi 10 të KKAK-së.

Bazuar në këto të dhëna rezulton se shkalla mesatarja vjetore e inflacionit sipas Entit të Statistikave të Republikës së Kosovës për vitin 2019 respektivisht për periudhë ka qenë 2.7%, andaj sa i përket periudhës të vitit 2019 gjykata ia ka njohur paditësit A..O.. shumën prej 102.30€.

Për vitin 2020 shkalla mesatare e inflacionit ka qenë 0.2%, andaj sa i përket periudhës të vitit 2020 gjykata ia ka njohur paditëses shumën prej 10.10€,

Për vitin 2021 shkalla mesatare e inflacionit ka qenë 3.4%, andaj sa i përket periudhës të vitit 2021 gjykata ia ka njohur paditëses shumën prej 171.76€,

Për vitin 2022 shkalla mesatare e inflacionit ka qenë 11.6%, andaj sa i përket periudhës të vitit 2022 gjykata ia ka njohur paditëses shumën prej 537.19€.

Shkalla mesatarja vjetore e inflacionit sipas Entit të Statistikave të Republikës së Kosovës për vitin 2019 respektivisht për periudhë ka qenë 2.7%, andaj sa i përket periudhës të vitit 2019 gjykata ia ka njohur paditësin H..O...shumën prej 102.30€.

Për vitin 2020 shkalla mesatare e inflacionit ka qenë 0.2%, andaj sa i përket periudhës të vitit 2020 gjykata ia ka njohur paditëses shumën prej 10.10 €,

Për vitin 2021 shkalla mesatare e inflacionit ka qenë 3.4%, andaj sa i përket periudhës të vitit 2021 gjykata ia ka njohur paditëses shumën prej 171.76€,

Për vitin 2022 shkalla mesatare e inflacionit ka qenë 11.6%, andaj sa i përket periudhës të vitit 2022 gjykata ia ka njohur paditëses shumën prej 537.19€.

Për paditësin E..Q... ka njohur këto shuma:

Shkalla mesatare vjetore e inflacionit sipas Entit të Statistikave të Republikës së Kosovës për vitin 2019 respektivisht për periudhë ka qenë 2.7%, andaj sa i përket periudhës të vitit 2019 gjykata ia ka njohur paditësit shumën prej 58.72€.

Për vitin 2020 shkalla mesatare e inflacionit ka qenë 0.2%, andaj sa i përket periudhës të vitit 2020 gjykata ia ka njohur paditësit shumën prej 5.80 €,

Për vitin 2021 shkalla mesatare e inflacionit ka qenë 3.4%, andaj sa i përket periudhës të vitit 2021 gjykata ia ka njohur paditëses shumën prej 98.60€,

Për vitin 2022 shkalla mesatare e inflacionit ka qenë 11.6%, andaj sa i përket periudhës të vitit 2022 gjykata ia ka njohur paditëses shumën prej 308.38€.

Për paditësin H. O...ka njohur këto shuma:

Shkalla mesatare vjetore e inflacionit sipas Entit të Statistikave të Republikës së Kosovës për vitin 2019 respektivisht për periudhë ka qenë 2.7%, andaj sa i përket periudhës të vitit 2019 gjykata ia ka njohur paditësit shumën prej 102.30€.

Për vitin 2020 shkalla mesatare e inflacionit ka qenë 0.2%, andaj sa i përket periudhës të vitit 2020 gjykata ia ka njohur paditësit shumën prej 10.10 €,

Për vitin 2021 shkalla mesatare e inflacionit ka qenë 3.4%, andaj sa i përket periudhës të vitit 2021 gjykata ia ka njohur paditësit shumën prej 171.76€,

Për vitin 2022 shkalla mesatare e inflacionit ka qenë 11.6%, andaj sa i përket periudhës të vitit 2022 gjykata ia ka njohur paditësit shumën prej 537.19€.

Andaj duke u nisur nga dispozitat ligjore të lart cekura të Kontratave Kolektive, si dhe gjendjes faktike, rezulton që kërkesëpadia e paditësit është e bazuar ku dhe e ka detyruar të paditurën që paditësve t'ua paguaj shumat e specifikuar në pikën I të dispozitivit.

Sa i përket pjesës së kërkesëpadiisë që është aprovuar sikurse në pikën I të dispozitivit gjykata e ka marr për bazë pagën bazë e vërtetuar përmes listës së pagave, ku paditëset janë punësuar si mësimdhënës, e jo pagën bruto për faktin se po të ishte marr për bazë paga bruto atëherë kjo pjesë domosdoshmërisht do ti ishte nënshtruar edhe tatimit në pagë siç parashihet me dispozitat ligjore të Ligjit Tatimit në Pagë.

Meqenëse, ashtu siç është rregulluar e paditura ka pasur detyrim të paditësit tia fut në pagë shkallën e inflacionit të cilën gjë nuk e ka bërë për periudhën kontestuese, në njërin anë kurse në anën tjetër edhe paditura nuk e ka përmbushur obligimin siç e ka pasur për detyrim sipas Kontratës Kolektive e datës 18.04.2017, dhe asaj të datës 22.01.2021 sa i përket mjeteve monetare në emër të shkallës së përqindjes së inflacionit dhe nenit 8 të LMD-së, ku thuhet se *“Pjesëmarrësi në marrëdhënie të detyrimit kanë për detyrë ta përmbushin detyrimin e vet dhe janë përgjegjës për përmbushjen e të njëjtit”*, e të cilin detyrim e paditura nuk e ka përmbushur ndaj paditësit.

Poashtu poqëse e paditura e konteston kërkesëpadiinë, përgjigja në padi duhet t'i përmbajë edhe faktet mbi të cilat i padituri i mbështetë thëniet e tij dhe provat me të cilat provohen faktet e tilla”, në çështjen konkrete juridike vlerëson se paditura nuk i ka bashkangjitur asnjë provë konkrete parashtrësës së përgjigjes në padi, me të cilat do ti vërtetonte pretendimet e saj.

Andaj, meqenëse në mes palëve ndërgjyqëse nuk ekziston kontest lidhur me faktet relevante, fakte të cilat u vërtetuan edhe nga gjykata me shqyrtimin e provave të cilat gjendën në shkresat e lëndës, gjykata me zbatimin e dispozitave të lartpërmendura vendosi aprovimin e kërkesëpadiisë së paditëses.

Gjykata shqyrtoi edhe pretendimet e të autorizuarit të të paditurës lidhur me ate se komuna nuk është nënshkruese e kontratës kolektive se nuk kanë parapara mjete financiare për

shlyerjen e këtyre detyrimeve, por gjykata pretendimet e tilla i konsideroi të pa bazuara ngase e paditura lidhur me kompensimin e përqindjes së inflacionit në pagën bazë obligohet në bazë të detyrimeve të cilat dalin nga Kontrata Kolektive, nënshkruese e të cilës është Ministria e Arsimit, Shkencës dhe Teknologjisë, përkatësisht në nenin 2 par.1.1 të kësaj kontrate lidhur me zbatimin e këtyre dispozitave përcaktohet se “Dispozitat e kësaj Kontrate Kolektive, janë të zbatueshme për të gjithë të punësuarit në të gjitha institucionet publike dhe private të Arsimit Parauniversitar (parashkollor, fillor, të mesëm të ultë dhe të mesëm të lartë, shkolla special e qendra të kompetencës) dhe institucionet e arsimit të lartë në mbarë territorin e Republikës së Kosovës, të cilët janë anëtarë të SBASHK-ut”, ndërsa dispozitat e par.1.2 përcaktohet se “Dispozitat e e kësaj Kontrate Kolektive janë të zbatueshme për të gjithë punëdhënësit në sektorin e Arsimit, (Komunat-DKA, KD të Universiteteve e institucioneve të arsimit të lartë, MASHT-in etj) në sektorin publik dhe institucionet edukativo-arsimore private në mbarë territorin e Republikës së Kosovës” prandaj është edhe irelevante për këtë proces gjyqësor se si e paditura i siguron mjetet për kompensimin e këtyre kategorive.

Gjykata për lartësinë e kamatës në shkallë prej 8%, gjykata vendosi në bazë të nenit 382 paragrafi 2 i LMD-së, dhe Mendimit Juridik për Kamatat i Gjykatës Supreme të Kosovës i datës 02.12.2020, duke filluar me llogaritjen e kamatës nga dita e paraqitjes së kërkesëpadisë në këtë gjykatë, e deri në përmbushjen definitive të detyrimeve.

Gjykata lidhur me shpenzimet e procedurës, iu referua nenit 449 dhe 452 të LPK-së, sipas të cilave paditëses ju pranohen shpenzimet procedurale dhe atë ashtu që e detyroi të paditurën që paditëseve t’ia kompensojë në emër të shpenzimeve të procedurës kontestimore shumë prej 260.00-€ në emër të parashtrimit të padisë, për parashtrësë për precizimin e kërkesëpadisë shumë prej 260.00-€, si dhe shumë prej 40.00-€ në emër të taksës gjyqësore.

Duke u bazuar në të dhënat e lartcekura, gjykata ka vendosur si në dispozitiv të këtij aktgjykimi.

**GJYKATA THEMELORE NË PRISHTINË – DEGA NË LIPJAN,
Departamenti i Përgjithshëm – Divizioni Civil
C.nr.391/2022, me datën 06.08.2024**

**G j y q t a r i
Zenel Tasholli**

Udhëzim juridik:

Kundër këtij aktgjykimi, palët kanë të drejtë të parashtrojnë ankesë në afat prej 7 ditësh pas marrjes së të njëjtit, Gjykatës së Apelit të Kosovës, ankesa dërgohet përmes kësaj gjykate.